



UNIVERSITÄTS-
BIBLIOTHEK
PADERBORN

Universitätsbibliothek Paderborn

DE || LIBERTATE || CHRISTIANA ||

Lensaeus, Johannes

Antverpiae, 1590

Capvt II. Quantum ad veram libertatem faciat continentiae virtus.

[urn:nbn:de:hbz:466:1-46059](#)

taxat afferimus: quibus sanè præstiris, vulgaris illa
præceptorum implevio atque iustitia longo inter-
vallo superetur.

C A P V T . II.

*Quantum ad veram libertatem faciat
continentiae virtus.*

DE his igitur ut pro instituto dicamus: principio
continentiae in laude versatur caput septimum
prioris ad Corinthios, vbi hoc primo loco posuit Apostolus, bonum esse homini mulierem non tangere.
Nam in Paradiſo quidem ante lapsum, cum integritas
naturæ primo adhuc honore teneretur, continentiae à
muliere laus nulla fuisset: nunc vero, posteaquam na-
turam hominū libidinis morbus inuasit, cœpit multo
esse laudabilius ac melius; mulierem non tangere om-
nino, quam illâ etiam Christiano coniugio vti. Vnde
Apostolus, De virginibus, inquit, præceptum Domini
non habeo: consilium autem do, tanquam misericor-
diam consecutus à Domino, ut sim fidelis. Existimo
enim bonum hoc esse, propter instantem necessitatem:
quoniam bonum est homini sic esse. vbi quod dicit,
Propter instantem necessitatem; non sic accipiendum
est, tanquam propter præsens tantummodo seculum,
non propter futuram æternitatem, melius esse dixerit
sic esse: quia videlicet coniuges terrenis curis pluribus
aque arctioribus distenduntur, qua molestia virgines
& continentes carent; quasi ob hoc tantum melius sit
non coniugari, vt huius temporis relaxentur angustiae;
nō quod in futurum seculum aliquid proſit. Sic enim
& Gentiles, commodis vitæ huius dumtaxat prouide-
satis consulentes, matrimonio celibem vitam prepo-
nebant: vt illa Mitionis apud Terentiū indicat oratio:
Et, quod fortunatum iſti putant, vxorem nunquam duxi.
Ex quo & illud est apud Plautum:

k

Nege-

Negotium habere qui volet,

Nauem & mulierem, hæc duo sibi comparato.

Et Cicero ab Hircio rogatus ut post repudium Terentiae, sororem eius duceret, respondit, se vxori & philosophiae pariter operam dare non posse. Non tam igitur necessitatem Apostolus intelligit, cuius omnis dispensatio ad vitam æternam vocat; sed eam quæ alicuius bonorum impedire futurorum: qua necessitate vita cogitur coniugalis cogitare quæ mundi sunt, quomodo placeat vir uxori, & vxor viro. non quod eas parent à regno cælorum, sicut sunt peccata, quæ ideo præcepto, non consilio prohibentur; quia Domino præcipienti non obedire, damnabile est: sed illud quod in ipso Dei regno amplius haberi posset, si amplius cogitaretur quomodo placendum esset Deo, minus erit utique cum hoc ipsum minus, coniugij necessitate, cogitatur. Propter hanc ergo necessitatem, quæ in nuptiæ carent, dicit Apostolus: Qui matrimonio iungit virginem suam, bene facit: & qui non iungit, melius facit. Ideoq[ue] & Ignatius in Epistola ad Philadelphiaenses, Virgines, inquit, subditæ estote Christo in incorruptione: non execrantes nuptias, sed meliora diligentes; non in criminatione coniugij, sed proprietatis meditationem. Et Ambrosius Epistola 8. I. iure, inquit, laudatur bona vxor, sed melius pia virgo profertur. hæc enim cogitat quæ Dei sunt, illa quæ mundi. Illa coniugalibus vinculis colligata est, hæc libera vinclorum. Illa sub lege, ista sub gratia. Bonum coniugium, per quod inuenta est posteritas successionis humanae; sed melior virginitas, per quam regni cælestis hereditas acquisita, & cælestium meritorum reperi successio. Per mulierem cura successit, per virginem salus evenit. Cum autem ab omni concubitu continentiam, coniugio præponimus; ad nullam hoc sanctorum Patriarcharum iniuriam pertinere putandum est,

est, qui ipsam continentiae virtutem in habitu retinenteret, cui coniugij opere illis temporibus seruiebant, ad propheticam futorum significationem. Tunc enim illis hominibus ipius pietatis erat operatio, etiam carnaliter filios propagare: propterea quod illius generatione populi, nuncia futurorum esset, atque ad dispensationem propheticam pertineret. Maius ergo bonum erat in illorum nuptiis, quam est bonum proprium nuptiarum: cui procul dubio bonum continentiae praferendum est; quia non tali officio quererent illi filios ex nuptiis, quali ducuntur isti, ex quodam sensu naturae mortalis, successione in decessione requiriuntur: Sed illi homines istum naturae mortalis affectum longe sanctiore mente superabant, qui de nuptiis filios propter Christum quererant; ad genus eius secundum carnem distinguendum ab omnibus gentibus. Proinde continentes vel mares qui defunctis uxoribus, vel feminæ quæ defunctis viris, vel viri qui pati consensu continentiam deo voverunt; sciant sibi quidem amplius mercedis deberi, quam castitas coniugalis poscit: sed sanctorum Patrum nuptias, qui propheticè coniungebantur, qui neque in concubitu nisi problem, neque in ipsa prole, nisi quod in carne venturo Christo proficeret, requirebant; non solum præ suo continendi proposito non contemnunt, verum etiam suo illi proposito sine dubitatione præponant. Alioqui, si te ipsas generatim intet se conferamus, nullo modo dubitandum est, meliorem esse castitatem continentiae, quam castitatem nuptialem; cum tamen utrumque sit bonum: multoque hoc tempore continerelaudabilius esse, quod adhuc temporis illius ratio non ferebat. Tunc enim ad veræ Religionis, qua unus colitur Deus, propagationem, coniugium erat necessarium: ut quos foscerent pri de coniugio liberos, eosdem saltem institutione paterna, in eadem haberent religione suc-

Vide beatitud.
August. cap.
19. De bona
coniugal.

Vide August.
cap. 23. De boni
no coniugal.

516 DE CHRISTIANA LIBERTATE
cessores. Ex quo etiam fiebat, ut seruorum multitudo,
familiæ sanctorum abundarent. At vero ubi ad-
uenit plenitudo temporis, non fuit ea ratio propagan-
dæ religionis necessaria: cum effusa latissimè vberi-
meque cælesti gratia, plures multo una prædicatione
fideles efficeretur, etiam ex infidelibus, quam ex plu-
rimis coniugiis effici potuissent. Potes enim est Deus,
etiam ex lapidibus, suscitare filios Abrahæ. Quod adeo
potenter ac numerosè præstigit, ut planissimè demon-
strauerit, quam sibi iam populi illius superbi & catna-
lis successio necessaria non fuerit ad Abrahæ promissa
complenda. Cum itaque & continere per se sit laoda-
carius ac melius quam coniugio simpliciter viri, adeo
sit temporum mutata conditio: satius nunc multo ad
Christianamque libertatem conducibilis est, con-
nentiam amplecti virginalem, quam se connubij vin-
culis innectere. nisi quod ijs qui adhuc ita liberi sunt
ut ijs integrum sit hoc aut illud amplecti vitæ insi-
tutum, si se non continent, iuxta Apostolica monitu-
m nubere debeant quia melius sit nubere quam viri. Ne-
que enim hoc ijs dicitur quos alia iam occuparunt vin-
cula; nisi forte & coniugato, propter aliquam uxori
vel necessariam absentiam vel ægritudinem immedi-
cabilem de incontinentia periclitanti, suadendu quilibet
quam putet alterum coniugium, quoniam melius sit
nubere quam viri. Homines vero cum comparamus,
ille est melior qui bonum amplius quam alius habet;
nec recte comparantur homines hominibus ex uno
aliquo bono; fieri enim potest ut alius non habeat ali-
quid, quod alius habet; sed alius habeat quod plurimum
æstimandum est. Maius enim bonum est obedientia,
quam continentia. Si ergo proponatur virgo permane-
sura, sed inobediens; & maritata, quem virgo permaneat
non possit, sed tamen obediens; quam meliorem dic-
imus? hanc procul dubio maritatem. Melius enim est
habere

habere omnia bona vel minora , quām magnum bonum cū magno malo : quia & in corporeis bonis melius est habere Zacchæi statuam, cum sanitate, quām Golie, cum febre Si autem propterea melius est continere, quod à libidinis intemperantia longissimè abducit, & præstat, quemadmodum Apostolus dicit, facultatem sine impedimento Dominum obsecrandi: quis non intelligit, quantum ad libertatem conferat Christianam? quæ in eo sita est maximè, ut amoribus curisque secularibus expediti, liberis mentibus, totisque desideriis , Domino seruiamus.

C A P V T . III.

*Quaratione voluntaria paupertas ad libertatem
conferat Christianam.*

ET quoniam de continentia diximus, sequitur ut de paupertate quoque dicamus. Sed priùs notandum est, non vnius generis in Scriptura diuina significari paupertatem, est enim alia semper mala & improbanda paupertas: alia semper laudabilis, & cum virtute coniuncta: tertia media est, neque vitiosa per se, neque virtutis laudem habens, sed quæ utramuis in partem trans ferri queat, pertinetque ad miseram quandam & afflictam vitæ sortem, per quam necessariis quoque rebus humana indiget infirmitas. Hanc à se deprecabatur sapiēs Salomon cū in oratione precatetur: Diuitias & paupertatem ne dederis mihi. Atq. utrumque idcirco à se remoueri cupiebat, quod infirmioribus animis utrumque sit occasio delinquendi: unum per elationem , alterum per fracti abiectiique animi impatientiam. Nam, ut ille ait,

Magnum pauperies opprobrium , iubet

Horatius.

*Quidvis & facere & pati,
Virtutisq; viam deserit ardua.*

k 3

At